
Upptökusjóður STEFs - Reglur

1. STEF starfrækir sjóð er nefnist Upptökusjóður STEFs.
2. Markmið Upptökusjóðs er að styrkja nýsköpun tónlistar á Íslandi.
3. Markmiði sjóðsins skal náð á þann hátt að er að styrkja útgáfu íslenskra tónverka, þ.e. tónlistar með eða án texta, á hljóðritum sem og svo og að styrkja sambærileg verkefni sem samrýmast fyrrgreindu meginmarkmiði að mati sjóðsstjórnar. Hægt er að styrkja bæði útgáfu heilla plata sem og útgáfu einstakra verka. Er styrkjum sjóðsins fyrst og fremst ætlað að mæta kostnaði við upptökur verka.
4. Tekjur sjóðsins eru hluti innlendra höfunda í sértekjum vegna kapalútvarps svo og hlut af framlagi STEFs til menningarmála (Menningarsjóður) samkvæmt ákvörðun stjórnar STEFs á hverjum tíma.
5. Upptökusjóður er bókfærður í bókhaldi STEFs og er endurskoðaður af löggiltum endurskoðanda og kjörnum skoðunarmönnum samtakanna. Óheimilt er að úthluta meira úr Upptökusjóði á ári hverju en nemur tekjum sjóðsins á hverjum tíma. Verði einhverjar tekjur eftir óúthlutaðar er heimilt að flytja þær til næsta árs.
6. Stjórn Upptökusjóðs er skipuð fimm einstaklingum, þar af eru fjórir tilnefndir af stjórn STEFs, auk framkvæmdastjóra samtakanna sem stýrir fundum sjóðsstjórnar. Stefnt skal að því að stjórnin sé þannig samansett að í henni séu tveir félagsmenn í Félagi tónskálda og textahöfunda, einn félagi í Tónskáldafélagi Íslands og einn standa utan félaganna.
7. Stjórnarmenn og varamenn þeirra skulu skipaðir til tveggja ára í senn.
8. Sjóðsstjórn úthlutar styrkjum úr sjóðnum að jafnaði tvisvar sinnum á ári, að vori og að hausti.
9. Skulu styrkir að jafnaði veittir á grundvelli umsókna, þar sem fram skal koma tilgangur styrkumsóknar og kostnaðar- og tímaáætlun vegna þess verkefnis sem um er að ræða.

10. Umsóknarfrestur að vori er til og með 10. apríl og að hausti til og með 10. september. Umsóknarfrestir þessir skulu auglýstir á heimasíðu STEFs svo og á annan þann hátt sem STEF telur að nái eyrum meðlima samtakanna. Miðað skal við að úthlutun eigi sér ekki stað síðar en mánuði eftir að umsóknarfresti lýkur.
11. Framkvæmdastjóri STEFs boðar til stjórnarfunda með hæfilegum fyrirvara. Hver og einn stjórnarmaður getur einnig farið sérstaklega fram á boðað verði til fundar. Stjórnin er ákvörðunarbær ef þrír stjórnarmenn eru mættir til fundar og ræður afl atkvæða úrslitum í stjórninni. Fundargerð skal halda um það sem fram fer á stjórnarfundum.
12. Umsókn um styrkveitingu verður aðeins tekin til afgreiðslu hafi skrifleg umsókn borist STEFi innan auglýsts umsóknarfrests á til þess gerðum eyðublöðum.
13. Styrkir Upptökusjóðs eru ætlaðir til hagsbóta tónhöfundum. Ef aðrir en tónhöfundar standa að umsókninni (s.s. eins og umboðsmenn eða flytjendur), skal skýrt tilgreina í umsókninni hvaða höfundaverk skuli hljóðrita svo auk þess sem fram þarf að koma höfundar þeirra séu umsókninni samþykkið eða a.m.k. viti af henni.
14. Styrkir skulu veittir á faglegum forsendum.
15. Almennu skulu ekki veittir styrkir til annarra en þeirra höfunda sem hafa á síðustu árum fyrir úthlutun fengið úthlutað höfundaréttargreiðslum sem nema að lágmarki kr. 100.000 á ári. Ef um er að ræða hljómsveit sem sækir saman um styrk, eru höfundaréttargreiðslur meðlima hljómsveitarinnar lagðar saman, það sama á við um fleiri aðilar sækja saman um styrk til sameiginlegs verkefnis.
16. Af hverri úthlutun getur stjórn sjóðsins tekið til hliðar allt að 10% úthlutunarfjárins og úthlutað sérstaklega til efnilegra nýliða, burtséð frá grein 15.
17. Við styrkveitingar skal hafa hliðsjón af því hvort viðkomandi umsækjandi hafi nýlega fengið styrki úr sjóðnum (almennt er miðað við síðastliðin tvö almanaksár).
18. Styrkir fyrir þegar útgefnum verkum eru ekki veittir.

19. Styrkir skulu bundnir þeirri forsendu að verkefnið og framvinda þess sé í samræmi við lýsingu og áætlanir í umsókn. Skal styrkþegi tilkynna um framgang verkefnisins svo og um fyrirhugaðar breytingar eða niðurfellingu verkefnis. Sé verkefnið fellt niður skal styrkþegi endurgreiða útgreiddan styrk. Í ljósi þess að veittir styrkir eru oft mun lægri en sú fjárhæð sem sótt er um og að styrkur sé veittur í umfangsmikið verkefni eins og útgáfu heillar plötu veldur það ekki endurgreiðslu á útgreiddum styrk ef einungis verða gefin út hluti af þeim verkum sem umsóknin nær til.
20. Stjórn sjóðsins getur ákveðið að skipta greiðslum styrkja þannig að þær séu bundnar framvindu verkefnisins.
21. Fram skal koma á því útgefna efni sem styrkt er að útgáfan sé styrkt af Upptökusjóði STEFs, eftir því sem því verður við komið.
22. Styrkþegar fá staðfestingu á úthlutun í tölvupósti og er styrkurinn greiddur inn á þann reikning sem þeir vísa til, séu upplýsingar um bankareikning ekki þegar skráðar hjá STEFi.

Þessar reglur eru byggðar á eldri sameiginlegum reglum Upptökusjóðs og Nátnasjóðs svo og eldri verklagsreglum stjórnar Upptökusjóðs. Þannig samþykktar af stjórn STEFs í marsmánuði 2024.